



Općinski sud u Sarajevu,
Broj : 065-0-Reg-22-001052 od 08.06.2022.godine
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ODL	0103		1 od 2

Broj: 0103-4686-2/23

Datum: 13.12.2023. godine

Na osnovu člana 58. i 60. Statuta Kantonalnog javnog preduzeća za gospodarenje državnim šumama „Sarajevo-šume“ d.o.o. Sarajevo, broj: 0101-1753-12/22 od 18.05.2022. godine, člana 17. stav 3) Uredbe o postupku prijema u radni odnos u javnom sektoru na teritoriji Kantona Sarajevo („Službene Novine Kantona Sarajevo, broj: 19/21, 10/22 i 28/23), Zapisnika o inspekcijskom nadzoru, broj: UP-1-14-09-30-22241/23-09/30 od 05.12.2023. godine i Rješenja Kantonalne uprave za inspekcijske poslove – Inspektorat rada, zaštite na radu i socijalne zaštite, broj: UP-1-14-09-30-22241/23-09/30 od 06.12.2023. godine, Direktor KJP „Sarajevo-šume“ d.o.o. Sarajevo donio je

O D L U K U

o poništenju Javnog oglasa za prijem radnika u radni odnos na određeno vrijeme do 31.12.2023. godine, broj: 0103-2591/23

Član 1.

Poništava se Javni oglas za prijem radnika u radni odnos na određeno vrijeme do 31.12.2023. godine, broj: 0103-2591/23, a u skladu sa Rješenjem Kantonalne uprave za inspekcijske poslove – Inspektorat rada, zaštite na radu i socijalne zaštite, broj: UP-1-14-09-30-22241/23-09/30 od 06.12.2023. godine, u dijelu koji se odnosi na

- **Pozicija 1. Radnik na pomoćnim poslovima u šumarstvu**

Član 2.

Ova Odluka stupa na snagu danom donošenja i ista se objavljuje na web stranici www.sarajevo-sume.ba i na web stranici Službe za zapošljavanje Kantona Sarajevo, te ostaje objavljena najkraće 15 (petnaest) dana.

O b r a z l o ž e n j e

KJP „Sarajevo-šume“ d.o.o. Sarajevo je na osnovu Saglasnosti Ministarstva privrede Kantona Sarajevo, broj: 07-03-30-31993/23 od 12.07.2023. godine, protokolisane kod Preduzeća pod brojem: 0103-2591-2/23 od 17.07.2023. godine i Odluke o raspisivanju Javnog oglasa za prijem radnika u radni odnos na određeno vrijeme do 31.12.2023. godine, broj: 0103-2591-3/23 od 31.07.2023. godine, objavljen u dnevnom listu „Oslobođenje“ 07.10.2023. godine, internet stranici Javne ustanove “Služba za zapošljavanje Kantona Sarajevo” Sarajevo 23.01.2023. godine i web stranici KJP „Sarajevo-šume“ d.o.o. Sarajevo www.sarajevo-sume.ba dana 03.10.2023. godine.

U usmjerenom inspekcijskom nadzoru izvršenom dana 05.12.2023. godine, inspektor rada je izvršio uvid u predložene dokaze relevantne za navode iz predstavke, nakon čega je utvrdio da je u provođenju oglasne procedure po navedenom Javnom oglasu za prijem radnika u radni odnos na određeno vrijeme do 31.12.2023. godine, broj: 0103-2591-3/23 došlo do određenih povreda Uredbe o postupku prijema u radni odnos u javnom sektoru na teritoriji Kantona Sarajevo („Službene Novine Kantona Sarajevo, broj: 19/21, 10/22 i 28/23), a o čemu je sačinjen Zapisnik o inspekcijskom nadzoru, broj: UP-1-14-09-30-22241/23-09/30 od 05.12.2023. godine, i to:

- Komisija nije vodila računa o rokovima i načinima dostave dokumentacije, te tako Preporuka Komisije za razmatranje prijave po Javnom oglasu za prijem radnika u radni odnos na određeno vrijeme do 31.12.2023.



Tel: 00 387 33 219 172; Fax 00 387 33 219 172
Ul. Maršala Tita 7/II, 71000 Sarajevo
E-mail: info@sarajevo-sume.ba
Web: www.sarajevo-sume.ba



Oznaka odgovornog
šumarstva
FSC® C130401



Općinski sud u Sarajevu,
Broj : 065-0-Reg-22-001052 od 08.06.2022.godine
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ODL	0103		2 od 2

godine sa Listom uspješnih kandidata, broj: 0103-2591-14/23 od 08.11.2023. godine nije dostavljena Direktor KJP „Sarajevo-šume“ d.o.o. Sarajevo u roku od 3 (tri) dana od dana obavljenog usmenog ispita, a što je propisano članom 12. tačka 6. Uredbe o postupku prijema u radni odnos u javnom sektoru na teritoriji Kantona Sarajevo.

- Članom 11. tačka 1) Uredbe o postupku prijema u radni odnos u javnom sektoru na teritoriji Kantona Sarajevo propisano je da po isteku roka za podnošenje prijave na Javni oglas, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak. Zapisnik sa otvaranja prijave dostavljenih na Javni oglas za prijem radnika u radni odnos na određeno vrijeme do 31.12.2023. godine, za pozicije 1,2 sa spiskom kandidata među kojima se provodi izborni postupak, broj: 0103-2591-13/23 od 03.11.2023. godine izrađen je i dostavljen nakon što je kompletna procedura po Javnom oglasu završena i isti je sačinjen na dan 03.11.2023. godine, a što je vremenski nakon što su poslani Pozivi za usmeni dio ispita (intervju). Naprijed navedeni Zapisnik pored Komisije i sekretara potpisao je i supervizor za nadzor nad provođenjem Javnog oglasa. Dakle prije utvrđivanja kvalifikovanosti kandidata i sačinjavanja spiska kandidata među kojima se provodi izborni postupak dostavljeni su Pozivi za usmeni dio ispita (intervju). Naprijed navedenim je došlo do povrede člana 11. tačka 1) Uredbe o postupku prijema u radni odnos u javnom sektoru na teritoriji Kantona Sarajevo.

- Članom 16. tačka 2) Uredbe o postupku prijema u radni odnos u javnom sektoru na teritoriji Kantona Sarajevo je propisano da je poslodavac dužan Odluku o prijemu u radni odnos donijeti u roku od tri radna dana od dana prijema Liste uspješnih kandidata, što zbog naprijed navedenih procedura također nije blagovremeno doneseno, pa ni za poziciju broj 1. Radnik na pomoćnim poslovima u šumarstvu.

S obzirom da do momenta inspeksijskog nadzora nije donesena Odluka o prijemu u radni odnos na radno mjesto 1. Radnik na pomoćnim poslovima u šumarstvu – 11 (jedanaest) izvršilaca, kao i da gore navedene nepravilnosti nije moguće na drugi način otkloniti, inspektor rada shodno članu 17. stav 3) Uredbe o postupku prijema u radni odnos u javnom sektoru na teritoriji Kantona Sarajevo je donio Rješenje, broj: UP-1-14-09-30-22241/23-09/30 od 06.12.2023. godine, a kojim Rješenjem nalaže KJP „Sarajevo-šume“ d.o.o. Sarajevo da poništi Javni oglas za prijem radnika u radni odnos na određeno vrijeme do 31.12.2023. godine, broj: 0103-2591-3/23 na radno mjesto 1. Radnik na pomoćnim poslovima u šumarstvu – 11 (jedanaest) izvršilaca, objavljen dana 07.10.2023. godine u dnevnim novinama „Oslobođenje“, dana 23.01.2023. godine internet stranici Javne ustanove „Služba za zapošljavanje Kantona Sarajevo“ i dana 03.10.2023. godine web stranici KJP „Sarajevo-šume“ d.o.o. Sarajevo.

Na osnovu svega naprijed navedenog odlučeno je kao u dispozitivu ove Odluke.

Direktor
KJP "Sarajevo-šume" d.o.o. Sarajevo

Omerović Samir, dipl.ing.sum.

DOSTAVLJENO:

1. Kantonalna uprava za inspeksijske poslove - Inspektorat rada, zaštite na radu i socijalne zaštite
2. Direktor Preduzeća
3. Komisiji (x3)
4. Službi za opće, pravne i kadrovske poslove
5. Arhivi Preduzeća



Tel: 00 387 33 219 172; Fax 00 387 33 219 172
Ul. Maršala Tita 7/II, 71000 Sarajevo
E-mail: info@sarajevo-sume.ba
Web: www.sarajevo-sume.ba



Oznaka odgovornog
šumarstva
FSC® C130491